

amizi...

gh'è sèmpro valgùni de grànt
de dré da giornade revèrse
magari tacà li dré 'n fil
che 'l pòrta na vóze sgaùsa
sqoergiùda da brèghei, li arènt
ma sgiónfa de sol come ištà

gài sèmpro vargót lì vesìn
de là de 'n argàgn che šušùra
che 'l par che 'l sia 'l mài de 'n feràr
che 'l bàte e 'l rebàte le pónte
fintant che stanzéle slusènte
le salta a tegnìrme 'l cör nét

pò 'l tase, pò 'l ride e 'l se 'ncaza
e parole che slùse de šò
con dent tut en sbrìgol de vita
sul bói de 'n lambìch empizà
lašando che 'l sìa primavéra
na sera a dizèmbre, de nòt

gài sèmpro valgùni de grànt
amizi, sol dói lì soliènti
e qoànde se smòrza le lum
i tègno, flanèla ai penšéri
strucàdi 'n de i sògni pu mèi
e giàsega 'l cör, qoànde i gh'è

Giuliano

per Corrado e Rudi... che sono così

Glossario:

revèrse=rovescie, negative

sgaùsa=svuotata, vana

amizi...

brèghei=urla

istà=estate

solienti=solitari

flanèla=flanella

giasegar=ardere dentro, come le braci coperte dalla cenere

boi=bollore

lambich=alambicco

mài de 'n feràr=maglio di un fabbro

Questo/a opera è pubblicata con una Licenza Creative Commons

